

Արձանագրություններ Առևտրի Կենտրոնների Համար. Հավելված E

Վերջին թարմացումներ (փոփոխությունները նշված են դեղինով)

1/28/2021.

- Վերացվել են աշխատանքային ժամերի սահմանափակումները: Ներքին զբաղվածությունը սահմանափակվում է 25%-ով՝ հիմնված սովյալ շինության կամ հրդեհային օրենսգրքի վրա:
- Առևտրի կենտրոնի օպերատորները պետք է խստորեն և շարունակաբար չափեն հաճախորդների մուտքն ու ելքը՝ համոզվելու համար, որ հաստատությունը պահպանում է իր ներկայիս կարողությունների սահմանափակումները: Մանրաձախ առևտրի այն խանութները, որոնք անբավարար կերպով են հաշվարկ կատարում, կամ հաշվարկ չեն կատարում, կամ գերազանցում են թույլատրելի զբաղվածությունը, ըստ հանրային առողջապահության տեսուչի հայեցողության կարող են ժամանակավորապես փակվել, մինչև այդ խնդիրները շտկվեն՝ համաձայն տարածքում հանրային առողջապահության տեսուչի որոշման:

Լոս Անջելես Շրջանի Հանրային Առողջապահության Վարչությունը հետևում է Նահանգային ուղեցույցներին, որպեսզի առևտրի կենտրոնները, մուլերը և փոխանակման հանդիպումները (swap meeting) և նրանց վարձակալող մանրաձախ բիզնեսները շարունակեն մնալ բաց՝ ենթարկվելով փոփոխությունների համավարակի այս փուլում: Ստորև ներկայացված պահանջները նախատեսված են առևտրի փակ և բացօթյա կենտրոնների, նպատակային առևտրի կենտրոնների, բաց առևտրային կոմպլեքսների և աութլետ-մեծ հանրախանութների (malls), ինչպես նաև շուկաների համար (հավաքականորեն՝ «Առևտրի կենտրոններ»): Առևտրի կենտրոնները պետք է համոզվեն, որ վարձակալները, ներառյալ մանրաձախ վարձակալները և վաճառողները, իրազեկ են այն արձանագրություններին, որոնք վերաբերում են իրենց գործունեությանը: Այդ բիզնեսները («վարձակալներ և վաճառողներ») պատասխանատու են արձանագրությունների իրականացման համար, բայց առևտրի կենտրոններին խրախուսվում է նույնպես պահանջել իրենց վարձակալներից սույն արձանագրությունների կատարումը: Ի հավելում նահանգապետի կողմից այս հատուկ մանրաձախ բիզնեսների համար պարտադրված պայմանների, այս ձեռնարկությունների տեսակները պետք է հետևեն նաև Առևտրի Կենտրոնների համար նախատեսված սույն Ստուգաթերթի մեջ նշված պայմաններին:

Ընդհանուր առմամբ առևտրի կենտրոններում առավելագույն զբաղվածությունը սահմանափակվում է **25%** առավելագույն զբաղվածությամբ, ինչպես նշված է վերևում: Փակ Ձեռնարկությունները, որոնք փակ մեծ հանրախանութների (mall), կամ փակ առևտրի կենտրոնի մաս են կազմում, նույնպես սահմանափակվում են առավելագույն **25%** զբաղվածությամբ:

Բոլոր մշտական և անշարժ բացօթյա նստատեղերը, որոնք բաց են հանրության համար, յուրաքանչյուր մշտական նստատեղի կողքին, կամ մոտակայքում տեսանելի վայրում պետք է ունենան ցուցանակներ, որոնք հաճախորդներին հիշեցնում են դիմակ կրելու, ֆիզիկական հեռավորություն պահպանելու և առևտրի կենտրոնի տարածքում գտնվելու ընթացքում չուտելու, կամ չխմելու պահանջների մասին: Առևտրի կենտրոնի տարածքում գտնվող բոլոր ժամանակավոր կամ շարժական սեղանները և աթոռները պետք է հեռացվեն հանրությանը հասանելի տարածքներից, կամ պետք է փակվեն հանրության համար: Հանրությանը/այցելուներին պետք է հիշեցնել, որ առևտրի կենտրոնի տարածքում գտնվելու ընթացքում չի կարելի ուտել, կամ խմել: **Հանրությունը/այցելուները կարող են ուտել, կամ խմել միայն բացօթյա**

նշանակված ճաշարահներում, որոնք համապատասխանում են Ռեստորանի Արձանագրության Հավելված I -ին: Սեղանները պետք է լինեն միմյանցից հեռավորության վրա, որպեսզի սեղանների միջև առնվազն 8 ոտնաչափ հեռավորություն լինի, որը չափվում է մի սեղանի եզրից մինչև հաջորդ սեղանի եզրը: Ռեստորանից բացի այլ տարածքում սեղանները պետք է տեղավորեն ոչ ավելի, քան 4 հոգի:

Բոլոր վարձակալները պետք է հետևեն Հանրային Առողջապահության Վարչության (DPH) համապատասխան ոլորտի արձանագրություններին և բոլոր մյուս պետական և տեղական կիրառելի օրենքներին և հրահանգներին:

Խնդրում ենք նկատի ունենալ, որ այս փաստաթուղթը կարող է թարմացվել՝ ըստ լրացուցիչ տեղեկությունների և ռեսուրսների հասանելիության, ուստի թարմացումների համար անպայման հաճախակի ստուգեք Լոս Անջելես Շրջանի վեբ կայքը <http://www.ph.lacounty.gov/media/Coronavirus/>:

Առևտրի կենտրոնի գործառնություններին համապատասխանող լրացուցիչ արձանագրություններին նույնպես պետք է հետևեն.

- Անհատական Խնամքի Ծառայությունները
- Ռեստորանները
- Մանրածախ Հաստատությունները

Այս ստուգաթերթը ներառում է.

- (1) Աշխատավայրի քաղաքականությունն ու գործելակերպը՝ ուղղված աշխատողների առողջության պահպանմանը
- (2) Ֆիզիկական հեռավորության ապահովման միջոցառումներ
- (3) Վարակի վերահսկման ապահովման միջոցառումներ
- (4) Աշխատողների և հանրության հետ հաղորդակցություն
- (5) Կարևոր ծառայություններին հավասար հասանելիության միջոցառումներ

Պետք է հետևել այս հինգ հիմնական ոլորտներին, եթե ձեր հաստատությունը մշակում է որևէ վերաբացման արձանագրություններ:

Այս արձանագրության մեջ ընդգրկված բոլոր բիզնեսները պետք է իրականացնեն ստորև նշված բոլոր կիրառելի միջոցառումները և պատրաստ լինեն բացատրել, թե ինչու որևէ չիրականացված միջոցառում չի վերաբերում իրենց բիզնեսին:

Բիզնեսի անունը՝ _____

Հաստատության հասցեն՝ _____

Առավելագույն զբաղեցվածությունը՝ _____
ըստ Շինության Օրենսգրքի՝ _____

Հաստատության մոտավոր
ընդհանուր քառակուսի ոտնաչափ
տարածքը, որը բաց է հանրությանը՝ _____

A. ԱՇԽԱՏՈՂՆԵՐԻ ԱՌՈՂՋՈՒԹՅՈՒՆԸ ՊԱՇՏՊԱՆԵԼՈՒ ՔԱՂԱՔԱԿԱՆՈՒԹՅՈՒՆՆ ՈՒ ԳՈՐԾՈՒՆԵՈՒԹՅՈՒՆԸ (ՆՇԵՔ ԲՈԼՈՐ ԱՅՆ ԿԵՏԵՐԸ, ՈՐՈՆՔ ՎԵՐԱԲԵՐՈՒՄ ԵՆ ՁԵՐ ՁԵՌՆԱՐԿՈՒԹՅԱՆԸ)

- Բոլոր նրանք, ովքեր կարող են տնային պայմաններում կատարել իրենց աշխատանքային պարտականությունները, ուղղորդված է անել այդպես:
- Խոցելի աշխատողներին (65 տարեկանից բարձր տարիքի և քրոնիկական հիվանդություններ ունեցող մարդկանց) հանձնարարվում է այնպիսի աշխատանք, որն ըստ հնարավորության կարելի է կատարել տնից, և նրանք պետք է քննարկեն ցանկացած հարցեր իրենց բժշկի, կամ մասնագիտական բժշկության ծառայության հետ, որպեսզի կարողանան ճիշտ որոշումներ ընդունել աշխատանքի վայր վերադառնալու վերաբերյալ:
- Աշխատանքային գործընթացները հնարավորինս վերաձևակերպվում են՝ մեծացնելու աշխատողների՝ տնից աշխատելու հնարավորությունները:
- Այլընտրանքային, փոփոխված, կամ հերթափոխով ժամանակացույցեր են հաստատվել՝ առավելագույնի հասցնելու ֆիզիկական հեռավորության պահպանումը:
- Բոլոր աշխատակիցներին ասվել է հիվանդ ժամանակ չգնալ աշխատանքի, կամ COVID-19-ով վարակակիր անձի հետ շփում ունենալու դեպքում: Աշխատակիցները գիտակցում են, որ անհրաժեշտ է հետևել Հանրային Առողջապահության Վարչության ինքնամեկուսացման և կարանտինի ուղեցույցին, եթե կիրառելի է: Աշխատավայրի բացակայության քաղաքականությունը վերանայվել և փոփոխվել է՝ ապահովելու, որ աշխատողները չտուժեն, եթե հիվանդության հետևանքով մնան տանը:
 - o Աշխատակիցներին տրամադրվել է տեղեկություն գործատուի, կամ կառավարության կողմից հովանավորվող արձակուրդի նպաստների վերաբերյալ, որը աշխատողը իրավունք կունենա ստանալ, ինչն էլ ֆինանսապես ավելի հեշտ կդարձնի նրա տանը մնալը: Տե՛ս հիվանդության հիմքով աշխատողին տրամադրվող արձակուրդի և COVID-19-ի համար աշխատողների փոխհատուցման կառավարության աջակցման [ծրագրերի](#)՝ ներառյալ աշխատողների կողմից հիվանդության հիմքով արձակուրդ ստանալու իրավունքների վերաբերյալ լրացուցիչ տեղեկություններն անմիջապես [Ընտանիքների Կորոնավիրուսին Առաջին Արձագանքի Օրենքի](#) ներքո, և աշխատակիցների համար աշխատողների փոխհատուցման վճարներ ստանալու իրավասության և Մարտի 19-ից Հուլիսի 5-ի ժամանակահատվածում COVID-19-ով վարակման դեպքերի ի հայտ գալուն առնչվող աշխատանքների մասին տեղեկությունները՝ Նահանգապետի [N-62-20 Գործադիր Հրամանի](#) ներքո:
- Տեղեկանալու դեպքում, որ մեկ կամ ավելի աշխատողներ դրական արդյունք են ունեցել, կամ COVID-19-ի ախտանիշներ ունեն, գործատուն ունի պատրաստի ծրագիր կամ արձանագրություն՝ այդ անձ(անց)ին տանը ինքնամեկուսացնելու համար և պետք է անմիջապես ինքնա-կարանտին պահանջի բոլոր այն աշխատողներից, ովքեր աշխատանքի վայրում շփվել են այդ անձ(անց)ի հետ: Գործատուի ծրագիրը պետք է նախատեսի արձանագրություն, ըստ որի կարանտինացված բոլոր աշխատողները կստուգվեն, կամ հնարավորություն կունենան ստուգվելու COVID-19-ի համար, որպեսզի պարզեն, թե արդյոք աշխատավայրում եղել են այլ վարակման դեպքեր, ինչը կպահանջի COVID-19-ի վերահսկման լրացուցիչ միջոցառումներ: Տես՝ Հանրային Առողջապահության ուղեցույցը [աշխատավայրում COVID-19-ին արձագանքելու վերաբերյալ](#):
- Իրականացվում են [մուտքի ստուգումներ](#)՝ նախքան նրանց կթույլատրվի աշխատավայր մտնել՝ [համաձայն DPH-ի Մուտքի Ստուգումների ուղեցույցի](#): Ստուգումները պետք է ներառեն հազի, շնչարգելության, դժվարացած շնչառության, ջերմության կամ դողերոցքի դիտարկում, ինչպես նաև հարցում, թե արդյոք անձը տվյալ պահին գտնվում է մեկուսացման կամ կարանտինի

հրամանների ներքո: Այս ստուգումները կարող են կատարվել հեռավար կարգով, կամ անհատապես՝ աշխատակցի ժամանելուն պես: Հնարավորության դեպքում աշխատավայրում պետք է կատարվի ջերմաչափում:

- ❑ Այն դեպքում, երբ 14 օրվա ընթացքում աշխատավայրում հայտնաբերվել են 3 կամ ավելի դեպքեր, գործատուն պետք է այդ խմբի վերաբերյալ գեկուցի Հանրային Առողջապահության Վարչություն (888) 397-3993 կամ (213) 240-7821 հեռախոսահամարներով կամ առցանց՝ www.redcap.link/covidreport: Եթե աշխատավայրում վարակված խումբ է հայտնաբերվել, Հանրային Առողջապահության Վարչությունը խմբի նկատմամբ արձագանք կնախաձեռնի, որը ներառում է վարակի վերահսկման ցուցումների և խորհուրդների տրամադրում, մասնագիտական օժանդակություն և հաստատության համար առանձնահատուկ վերահսկման միջոցառումներ: Կնշանակվի խմբի հետազոտման գործի ղեկավար՝ օգնելու ուղղորդել հաստատության արձագանքը:
- ❑ Այն աշխատակիցներին, ովքեր շփվում են ուրիշների հետ, անվճար տրամադրվում է դեմքի ծածկոց, որը ծածկում է քիթը և բերանը: Աշխատակիցները, ում բուժաշխատողները հանձնարարել են չկրել դեմքի ծածկոցներ, պետք է կրեն ներքևի եզրին շղարշ ունեցող դեմքի վահաններ, որպեսզի համապատասխանեն Նահանգային պահանջների պայմաններին, եթե միայն նրանց վիճակը դա թույլ է տալիս: Նախընտրելի են այն տեսակի շղարշները, որոնք մարմնի ձևն են ստանում կզակի տակ: Միակողմանի փականներ ունեցող դիմակները **չպետք է** կիրառվեն:
- ❑ Բոլոր աշխատակիցները պետք է դեմքի ծածկոցներ կրեն, բացառությամբ այն պահերի, երբ միայնակ աշխատում են անհատական գրասենյակներում, որոնց դռները փակ են, կամ երբ ուտում կամ խմում են: Նախկինում ընդունված բացառությունը, որը վերաբերում էր աշխատողների հասակը գերազանցող ամուր միջնապատերով խցիկներում աշխատող աշխատողներին, փոխարինվում է մինչև հետագա ծանուցում:
- ❑ Դիմակների հետևողական և ճշգրիտ կիրառումն ապահովելու համար աշխատակիցներին **արգելվում է** ուտել կամ խմել՝ բացառությամբ իրենց ընդմիջումների ժամերին, երբ նրանք կարող են անվտանգ կերպով հանել իրենց դիմակները և մյուսներից ֆիզիկական հեռավորություն պահպանել: Ուտելիս կամ խմելիս աշխատակիցները պետք է մյուսներից առնվազն վեց ոտնաչափ հեռավորություն պահպանեն: Նախընտրելի է ուտել կամ խմել դրսում և հնարավորության դեպքում մյուսներից հեռու: Խցիկում կամ աշխատավայրում ուտելը կամ խմելը գերադասելի է ընդմիջման սենյակում ուտելուց, եթե խցիկում կամ աշխատավայրում ուտելը աշխատողներին ավելի մեծ հեռավորություն և միջնապատեր է տրամադրում: **COVID-19 փոխանցումը ավելի հավանական է, որ տեղի կունենա այն ժամանակ, երբ աշխատակիցները միասին են, երբ դեմքի ծածկոցներ չեն կրում:**
- ❑ Զբաղվածությունը կրճատվում է, և աշխատողների միջև տարածությունն առավելագույնի է հասցվում ցանկացած սենյակում կամ տարածքում, որն աշխատակիցներն օգտագործում են ճաշելու և/կամ ընդմիջումների համար: Այս պահանջին հնարավոր է հասնել հետևյալ կերպ.
 - Փակցնել առավելագույն զբաղվածության նշան, որը համապատասխանում է ընդմիջումների համար օգտագործվող սենյակներում կամ տարածքներում առնվազն վեց ոտնաչափ հեռավորության ապահովմանը և
 - Փոփոխել ընդմիջումների կամ ճաշի ժամերը՝ ճաշերի և ընդմիջումների համար օգտագործվող սենյակներում կամ տարածքներում զբաղվածության թիվը նվազեցնելու համար, և
 - Սեղանները դնել առնվազն վեց ոտնաչափ հեռավորության վրա և ապահովել նստատեղերի միջև վեց ոտնաչափ հեռավորությունը, նստատեղերը հեռացնել կամ ժապավեններ կպցնել՝

զբաղվածությունը նվազեցնելու համար, հատակների վրա գծանշումներ դնել՝ հեռավորությունն ապահովելու համար, և նստատեղերը դասավորել այնպես, որ նվազագույնի հասցվի դեմ առ դեմ շփումը: Միջնապատերի օգտագործումը խրախուսվում է՝ տարածման հետագա կանխարգելման համար, բայց չպետք է համարվի զբաղվածության կրճատմանը և ֆիզիկական հեռավորության պահպանմանը փոխարինող միջոց:

- Հնարավորության դեպքում ստեղծվել են բացօթյա ընդմիջման տարածքներ՝ հազեցած ստվերային ծածկոցներով և նստատեղերով, որոնք աշխատակիցներին հնարավորություն են տալիս 6 ոտնաչափ ֆիզիկական հեռավորություն պահպանել մյուսներից:
 - Աշխատողներին հանձնարարվում է ամեն օր լվանալ կամ փոխել իրենց կտորե դիմակները:
 - Բոլոր աշխատատեղերը իրարից առանձնացված են առնվազն վեց ոտնաչափով:
 - Ընդմիջման սենյակները, պետքարանները և այլ ընդհանուր տարածքները ամեն ժամ ախտահանվում են հետևյալ ժամանակացույցով.
 - Ընդմիջման սենյակներ _____
 - Պետքարաններ _____
 - Այլ _____
 - Վարձատրման և աշխատանքային ժամերի կանոնակարգերի համաձայն, ընդմիջումները կազմակերպվում են այնպես, որ ընդմիջման սենյակներում աշխատողների միջև միշտ հնարավոր լինի պահպանել վեց (6) ոտնաչափ հեռավորություն:
 - Ախտահանիչ և հարակից նյութերը հասանելի են աշխատողներին հետևյալ վայր(եր)ում՝ _____
-
- COVID-19-ի դեմ արդյունավետ ձեռքերի ախտահանիչները հասանելի են բոլոր աշխատողներին հետևյալ վայր(եր)ում՝ _____
-
- Աշխատողներին թույլատրվում է հաճախակի ընդմիջումներ վերցնել՝ ձեռքերը լվանալու համար:
 - Այս արձանագրության կրկնօրինակը բաժանվել է բոլոր աշխատողներին:
 - Յուրաքանչյուր աշխատողի հատկացվում են իր սեփական պարագաները, սարքավորումները և աշխատելու համար սահմանված վայրը: Ընդհանուր օգտագործման առարկաների (օրինակ՝ հեռախոսներ, պլանշետներ, համակարգիչներ, սեղաններ, գրիչներ և այլն) համատեղ օգտագործումը ըստ հնարավորության հասցվում է նվազագույնի, կամ բացառվում:
 - Մույն ստուգաթերթիկում նկարագրված բոլոր քաղաքականությունները, բացի աշխատանքային պայմաններին վերաբերող քաղաքականություններից, վերաբերում են առաքման անձնակազմին և ցանկացած այլ ընկերություններին, որոնք կարող են այդ տարածքում գտնվել որպես երրորդ անձ:
 - Ընտրովի նկարագրեք այլ միջոցառումներ. _____

B. ՖԻԶԻԿԱԿԱՆ ՀԵՌԱՎՈՐՈՒԹՅԱՆ ԱՊԱՀՈՎՄԱՆ ՄԻՋՈՑԱՌՈՒՄՆԵՐ

- ❑ Առավելագույն զբաղվածության կանոնների համաձայն առևտրի կենտրոններում (փակ և բացօթյա) և առևտրի կենտրոնի մաս կազմող մանրածախ ձեռնարկություններում առավելագույն զբաղվածությունը չպետք է գերազանցի 25%-ը՝ այն պայմանով, որ հաճախորդների և աշխատակիցների միջև միշտ կարող է պահպանվել 6 ոտնաչափ ֆիզիկական հեռավորություն: Հնարավորության դեպքում, կայանատեղերը սահմանափակվում են՝ զբաղվածության հետագա առավելագույն սահմանափակումները պարտադրելու համար:
- ❑ Վարձակալները, որոնք ունեն արտաքին մուտք, որը հասարակությանը սովորաբար հասանելի է մեծ հանրախանութի (mall), կամ առևտրի կենտրոնի արտաքին մասից, կարող են շարունակել իրենց ընթացիկ փոփոխված գործողությունները՝ համապատասխան DPH-ի Արձանագրություններին՝ առավելագույնը 25% զբաղվածությամբ: Բացօթյա առևտրի կենտրոնները՝ ինչպիսիք են տոնավաճառները, պետք է վաճառողներին ապահովեն սեղաններով, վրաններով և այլ ցուցասարքերով՝ համապատասխան ֆիզիկական հեռավորության պահպանման պահանջներին, կամ էլ ապահովեն այլ անթափանց արգելապատնեշներով՝ նրանց փոխարեն:
 - Հաստատությունում հաճախորդների առավելագույն քանակը սահմանափակվում է. _____
- ❑ Առևտրի կենտրոնը պետք է խստորեն և շարունակաբար հաշվի բոլոր մուտքերում հաճախորդների մուտքն ու ելքը, որպեսզի հետևի զբաղվածությանը՝ ապահովելու համար ներսի զբաղվածության սահմանների համապատասխանությունը: Մանրածախ առևտրի այն խանութները, որոնք անբավարար կերպով են հաշվարկ կատարում, կամ հաշվարկ չեն կատարում, կամ գերազանցում են թույլատրելի զբաղվածությունը, հանրային առողջապահության տեսուչի հայեցողությամբ կարող են ժամանակավորապես փակվել, մինչև այդ խնդիրները շտկվեն՝ համաձայն տարածքում հանրային առողջապահության տեսուչի որոշման: Հնարավորության դեպքում տրամադրեք եզակի, պարզորեն նշված մուտք և առանձին ելք, որպեսզի օգնեք պահպանել ֆիզիկական հեռավորությունը:
- ❑ Պատրաստ եղեք դրսում հաճախորդներին հերթ կանգնեցնել՝ մինևույն ժամանակ պահպանելով ֆիզիկական հեռավորությունը՝ ներառյալ կիրառելով տեսողական ազդանշաններ: Անհրաժեշտության դեպքում աշխատակիցը (կամ աշխատակիցները, եթե առկա է մեկից ավելի մուտք), ով դեմքի կտորե ծածկոց է կրում, կարող է կանգնել դռան մոտ, սակայն ամենամոտ հաճախորդից առնվազն 6 ոտնաչափ հեռավորության վրա, որպեսզի հետևի զբաղվածությանը և ուղղորդի հաճախորդներին մուտքից դուրս վեց ոտնաչափ հեռավորությամբ հերթ կանգնել, եթե հաստատությունը, կամ առևտրի կենտրոնը հասել է զբաղվածության իր սահմանին:
- ❑ Տեղի անվտանգության ծառայության աշխատողները հաճախակի հիշեցնում և խորհուրդ են տալիս հաճախորդներին և հանրությանը հետևել ֆիզիկական հեռավորության չափանիշներին և հիշեցնել հաճախորդներին և այցելուներին, որ չի թույլատրվում տեղում ուտել կամ խմել՝ բացառությամբ նշանակված բացօթյա ճաշասրահում:
- ❑ Մանրածախ վաճառք իրականացնողները, որոնք առաջարկում են փողոցի կողմից մոտենալ-վերցնելու տարբերակը, պետք է կարգավորեն ապրանքները մոտենալ-վերցնելու ժամերը, որպեսզի աշխատակիցները կարողանան նախապես պատվիրված ապրանքը մոտեցնել մեծ հանրախանութից (mall) դուրս գտնվող նախատեսված վայրը կամ վայրերը: Մոտենալ-վերցնելու տարածքները պետք է հստակ նշված լինեն, և հաճախորդներին պետք է հորդորել, որպեսզի նախապես վճարեն իրենց պատվերների համար: Ժամանելուն պես հաճախորդները պետք է տեղեկացնեն աշխատակցին, որ ժամանել են՝ ապրանքը վերցնելու համար և իրենք պետք է մնան մեքենայի մեջ: Կտորե դիմակ կրող աշխատակիցը, պետք է հաճախորդի պատվերը տարայի մեջ (օր.՝ արկղ, առևտրի զամբյուղ, կամ այլ տարա) բերի նախատեսված վերցնելու վայրը և անմիջապես տեղադրի այն հաճախորդի մեքենայի

բեռնախցիկում:

- ❑ Առևտրի կենտրոնի ներսում գործող հիմնական ծառայությունները, օրինակ՝ բժշկական ծառայություններ (կլինիկաներ կամ ակնաչափողներ) կարող են շարունակել իրենց գործունեությունը:
 - Հնարավորության չափով պետք է առաջարկվեն այլ մեթոդներ՝ ինչպես օրինակ հեռավար բուժօգնության տարբերակը, կամ առցանց ծառայությունները:
- ❑ Աշխատակիցը (կամ աշխատակիցները, եթե կան մեկից ավելի մուտքեր) կտորե դիմակով պետք է կանգնած լինի դռան մոտ, բայց մոտակա հաճախորդներից առնվազն 6 ոտնաչափ հեռավորության վրա, որպեսզի ուղղորդի հաճախորդներին դեպի մոտենալ-վերցնելու համապատասխան վայրը:
- ❑ Ժապավենը, կամ այլ գծանշանները սահմանում են ինչպես հաճախորդների կողմից պատվերը վերցնելու համար ժամանման սկզբնական ելակետը, այնպես էլ 6 ոտնաչափ ընդմիջումները՝ հաջորդող հաճախորդների համար, ովքեր միանում են սպասման հերթին:
- ❑ Աշխատակիցները, որոնք կրում են դեմքի ծածկոցներ և ձեռնոցներ, պետք է դիրքավորվեն իրարից և հաճախորդներից 6 ոտնաչափ հեռավորության վրա, որպեսզի առաքեն պատվերները հաճախորդներին: Արկղերը պետք է կիրառվեն փաթեթավորված, նախապես պատվիրված ապրանքները հաճախորդներին փոխանցելու համար, որպեսզի խուսափեն հաճախորդների և աշխատակիցների միջև անձնական շփումից: Աշխատակիցները կարող են մի պահ մոտենալ վճարումը ստանալու, ապրանքը կամ ծառայությունները առաքելու, կամ այլ նման անհրաժեշտ նպատակներով:
- ❑ Առնվազն վեց (6) ոտնաչափ ֆիզիկական հեռավորությունն ապահովելու համար ձեռնարկվել են միջոցառումներ՝ առևտրի կենտրոնի բոլոր տարածքներում աշխատողների և հաճախորդների միջև ֆիզիկական հեռավորությունն ապահովելու համար: Սա կարող է ներառել ֆիզիկական միջնապատերի, կամ տեսողական ցուցանակների օգտագործումը (օրինակ՝ հատակի վրա գծանշաններ, գունավոր ժապավեն կամ այլ նշաններ, որտեղ նշվում է, թե որտեղ պետք է աշխատողները և հաճախորդները կանգնեն):
- ❑ Մշակել և իրականացնել վերահսկվող ոտքով երթևեկության և ամբոխի կառավարման ռազմավարություններ, որոնք հնարավորություն են տալիս աշխատողների և հաճախորդների միջև պահպանել առնվազն վեց ոտնաչափ ֆիզիկական հեռավորություն: Սա կարող է ներառել, որ պահանջվի մեկ ուղղությամբ ոտքով երթևեկություն, և հաճախորդներին ուղղորդել տեսողական ազդանշաններով, ֆիզիկական հենակներով և ցուցանակներով:
- ❑ Տրամադրել հստակ նշանակված մուտքեր և առանձին ելքեր, եթե դա հնարավոր է և տեղին է տարածքի համար, որը թույլ կտա օգնել պահպանելու ֆիզիկական հեռավորությունը և աջակցելու ամբոխի վերահսկումը: Հնարավորության դեպքում դռները պետք է բաց լինեն, եթե դրանք ավտոմատ չեն բացվում և փակվում: Աշխատեք վարձակալների հետ՝ անհատական խանութներից դուրս հաճախորդների համար հերթերի համակարգեր ստեղծելու նպատակով, և միննույն ժամանակ անհրաժեշտության դեպքում պահպանելով ֆիզիկական հեռավորությունը:
- ❑ Առևտրի կենտրոնների օպերատորները, մանրածախ վարձակալները և վաճառողները պետք է համագործակցեն խանութների մուտքի հերթերի համակարգի զարգացման համար, որոնք չեն խաթարում հետիոտի երթևեկությունը, կամ խախտում ֆիզիկական հեռավորության պահանջները: Նկատի ունեցեք և խրախուսեք մանրածախ վարձակալության հաստատությունների այլընտրանքային մուտքը՝ ներառյալ մուտքի համար թվային վերապահումները և նախնական պատվերների ցուցումները:
- ❑ Առևտրի սայլերին, կամ կրպակներին պետք է թույլատրվի աշխատել առևտրի կենտրոնների միջանցքներում, կամ քայլելու վայրերում, եթե դրանք չեն խանգարում ոտքի երթևեկության նորացված միջոցներին, կամ խոչընդոտում ֆիզիկական հեռավորության պահանջներին: Անհրաժեշտության դեպքում վերադասավորեք վաճառող սայլերը, կամ կրպակները, որպեսզի համոզվեք, որ հերթ կանգնելը չի խոչընդոտում ֆիզիկական հեռավորության պահանջներին:

- Բացօթյա առևտրի կենտրոնները, ինչպիսիք են տոնավաճառները, պետք է ապահովեն, որ վաճառասեղանները, վրանները և այլ ցուցափեղկերը համապատասխան լինեն ֆիզիկական հեռավորության պահանջներին, կամ ապահովեն այլ անթափանց խոչընդոտների առկայությունը տեղանքում:
- Առևտրի կենտրոնները, մանրածախ վարձակալները և վաճառողները պետք է համագործակցեն՝ մշակելու առևտրի կենտրոնների գործունեության ծրագիր, որը հնարավորություն կտա վարձակալներին իրականացնել անվտանգ գործունեություն առևտրի կենտրոնի ներսում և դրսում և պահպանել Հանրային Առողջապահության Վարչության (DPH) բոլոր կիրառելի արձանագրությունները և նահանգային և տեղական օրենքները և հրահանգները:
- Հանրային նստատեղերով փակ տարածքները չեն գործում: Բոլոր մշտական և ֆիքսված բացօթյա նստատեղերը (օրինակ՝ նստարաններ, աթոռներ, հանրային այլ նստատեղեր), որոնք բաց են հանրության համար, մշտական նստատեղի կողքին, կամ մոտակայքում տեսանելի վայրում ունեն ցուցանակներ, որոնք հաճախորդներին հիշեցնում են դիմակ կրել, պահպանել ֆիզիկական հեռավորություն և չուտել կամ չխմել առևտրի կենտրոնի տարածքում գտնվելու ընթացքում:
- Բոլոր ժամանակավոր կամ շարժական սեղաններն ու աթոռները, որոնք գտնվում են առևտրի կենտրոնի տարածքում, պետք է հեռացվեն հանրությանը հասանելի տարածքներից, կամ փակվեն հանրության համար: Հանրությանը/այցելուներին պետք է հիշեցնել, որ առևտրի կենտրոնի տարածքում չի կարելի ուտել կամ խմել **բացառությամբ նշանակված բացօթյա ճաշարահում:**
- Ֆիզիկական հեռավորության պահանջները իրականացվում են նաև բեռնաթափման գոտիներում, իսկ առաքման համար օգտագործվում են առանց հպման ստորագրություններ:

C. ՎԱՐԱԿԻ ՎԵՐԱՀՄԿՄԱՆ ՄԻՋՈՑԱՌՈՒՄՆԵՐ

- HVAC համակարգը բարեկարգ, սարքին վիճակում է; հնարավոր առավելագույն չափով օդափոխությունն ավելացվել է: Դիտարկեք դյուրակիր բարձր արդյունավետությամբ օդը մաքրող սարքերի տեղադրման, շենքի օդային զտիչները հնարավորինս բարձր արդյունավետության հասցնելու և այլ փոփոխություններ կատարելու մասին՝ ավելացնելու գրասենյակներում և այլ վայրերում դրսի օդի և օդափոխության քանակը: Տե՛ս հանրային առողջապահության ուղեցույցը [օդափոխությունը](#) օպտիմալացնելու համար:
- Գործում են առանց հպման վճարային համակարգեր կամ, եթե հնարավոր չէ, վճարային համակարգերը ամեն ժամ ախտահանվում են: Նկարագրեք:

- Ընդհանուր և խիտ երթևեկության վայրերը և հաճախակի հավոդ առարկաները (օրինակ՝ բազրիքները, վերելակների կառավարման վահանակները, դռան կլոր կամ սովորական բռնակները, վարկային քարտերի համակարգերը, վերելակների կոճակները, շարժասանդուղիների բազրիքները) ախտահանվում են աշխատանքային ժամերին յուրաքանչյուր ժամը մեկ՝ EPA-ի կողմից հաստատված ախտահանիչ միջոցներով՝ արտադրողի օգտագործման հրահանգներին համապատասխան:
- Աշխատատեղերը և ամբողջ հաստատությունը մաքրվում են առնվազն օրը մեկ անգամ, իսկ պետքարանները և հաճախակի օգտագործվող տարածքները/առարկաները՝ ամեն ժամ: Առևտրի կենտրոնի աշխատանքային ժամերը փոխվել են՝ տրամադրելու բավարար ժամանակ կանոնավոր խորը մաքրման և արտադրանքի պահեստավորման համար:
- Հանրային պետքարանները մաքրվում են ամենժամյա ռեժիմով EPA-ի կողմից հաստատված ախտահանիչ միջոցներով՝ արտադրողի օգտագործման հրահանգներին համապատասխան և հետևյալ գրաֆիկով.

- Հասարակական խմելու ջրի շատրվաններն անջատված են և փակցված են ցուցանակներ, որոնք տեղեկացնում են հաճախորդներին, որ դրանք չեն աշխատում:
- Հաճախորդներին արգելված է օգտվել աշխատողների համար նախատեսված պետքարաններից:

- ❑ Հաստատություն ժամանող հաճախորդներին պետք է հիշեցնել, որ կրեն դեմքի ծածկոցներ առևտրի կենտրոնում և դրա տարածքում գտնվելու ամբողջ ընթացքում: Սա վերաբերվում է բոլոր չափահասներին և 2 տարեկան և ավելի մեծ երեխաներին: Միայն այն անձիք, ում բուժաշխատողը հանձնարարել է չկրել դեմքի ծածկոց, ազատվում են այս պահանջից: Ձեր աշխատակիցների և այլ այցելուների անվտանգությանն աջակցելու նպատակով՝ հարկավոր է դեմքի ծածկոցներ տրամադրել այն այցելուներին, ովքեր գալիս են առանց դրանց:
- ❑ Իրականացվում է ախտանիշների ստուգումներ՝ նախքան այցելուներին կթույլատրվի հաստատություն մտնել: Ստուգումները պետք է ներառեն հազի, շնչարգելության, դժվարացած շնչառության, ջերմության կամ դողերոցքի դիտարկում և արդյոք անձը տվյալ պահին գտնվում է մեկուսացման, կամ կարանտինի հրամանների ներքո: Այս ստուգումները կարող են կատարվել հեռավար անհատապես, կամ այլընտրանքային եղանակներով, օրինակ՝ ստուգման առցանց համակարգերով, կամ հաստատության մուտքի մոտ փակցված [նշաններով](#):
- ❑ Երեխաների հետ հաստատություն մտնող հաճախորդները պետք է հետևեն, որ իրենց երեխաները մնան ծնողի կողքին, խուսափեն որևէ այլ անձանց, կամ իրենց չպատկանող որևէ իրերի դիպչելուց և կրեն դիմակ, եթե տարիքը թույլ է տալիս:
- ❑ Հաճախորդներին հասանելի պետք է լինեն համապատասխան ախտահանիչ միջոցները՝ ներառյալ ձեռքերի ախտահանման միջոցները, անձեռոցիկները և աղբարկղները:
- ❑ Հաճախորդների համար նախատեսված հանդերձարանները վերահսկվում են անձնակազմի կողմից: Ցանկացած հագուստ, որը փորձել են, բայց չեն գնել, մի կողմ է դրվում 24 ժամով մինչև դարակաշարերի, կամ դարակների վրա հետ դնելը:
- ❑ Մանկական խաղահրապարակի տարածքները կամ այլ հարմարությունները, ինչպիսիք են կարուսելները, ատրակցիոնները, կամ խաղային ավտոմատները մնում են փակ:
- ❑ Առևտրի կենտրոնի սահմաններում տեղակայված կինոթատրոնները, ընտանեկան ժամանցի կետերը և բարերը մնում են փակ:
- ❑ Շինությունների ներսում գտնվող առևտրային կենտրոնի, կամ մեծ հանրախանութների (mall) փակ տարածքում գտնվող սննդի կետերի (food court) նստելու և ճաշելու հատվածները պետք է փակվեն, մինչև հետագա ծանուցումը: Շինությունների ներսում գտնվող առևտրային կենտրոններում, կամ մեծ հանրախանութներում (mall) տեղակայված այն ռեստորանները, որոնց մուտքը միայն հանրախանութի ներսից է, կարող են առաջարկել ներսում վաճառատեղանների ծառայություններ՝ հաճախորդների կողմից սննդի և խմիչքների անձամբ պատվիրելու և վերցնելու, կամ առաքման նպատակով: **Բացօթյա ճաշարահները կարող են բաց լինել, քանի դեռ դրանք համապատասխանում են DPH-ի Ռեստորանների արձանագրություններին:** Հանրությանը չի թույլատրվում սնունդ կամ խմիչք օգտագործել փակ մեծ հանրախանութների (mall), կամ առևտրի կենտրոնի որևէ տարածքում՝ **բացառությամբ նշանակված բացօթյա ճաշարահում:**
- ❑ Ընտրովի. նկարագրեք այլ միջոցառումներ (օրինակ՝ ժամերի տրամադրում միայն տարեցների համար, խրախուսել առցանց պատվերները/ պատվերները տեղում վերցնելը, խթանել ոչ ծանրաբեռնված ժամերի վաճառքը):

D. ՀԱՆՐՈՒԹՅԱՆ ԻՐԱԶԵՎՄԱՆ ՄԻՋՈՑԱՌՈՒՄՆԵՐ

- ❑ Այս արձանագրության կրկնօրինակը փակցվում է հաստատության բոլոր ընդհանուր մուտքերի մոտ:
- ❑ Ցուցանակները, որոնք տեղակայված են առևտրի կենտրոններում, տոնավաճառներում և այլ վաճառքի կենտրոններում հիշեցնում են հաճախորդներին պահպանել վեց ոտնաչափ ֆիզիկական հեռավորությունը, ամբողջ ընթացքում դեմքի ծածկոց կրելու

անհրաժեշտությունը, կանոնավոր կերպով ձեռքերը լվանալու կարևորությունը և հիվանդ լինելու, կամ COVID-19-ի ախտանիշներ ունենալու դեպքում տանը մնալու անհրաժեշտությունը:

- Առևտրի կենտրոնի տարածքում փակցված ցուցանակները հաճախորդներին հիշեցնում են, որ փակ դռներով առևտրի կենտրոնի ներսում չի թույլատրվում ուտել կամ խմել, և որ սնունդն ու խմիչքները կարող են սպառվել միայն նշանակված բացօթյա ճաշասրահում:
- Առևտրի կենտրոնում փակցված ցուցանակները հաճախորդներին բացատրում են, թե որտեղ է գտնվում մոտակա ախտահանիչ միջոցների սարքը:
- Հաստատության առցանց կետերը (վեբ կայք, սոցիալական ցանցեր) տալիս են հստակ տեղեկություն խանութի աշխատանքային ժամերի, դիմակներ կրելու անհրաժեշտության, սահմանափակ զբաղեցվածության մասին, ինչպես նաև ցանկացած քաղաքականությունների մասին, որոնք վերաբերում են նախնական պատվերների, կանխավճարների, տեղում ստանալու և (կամ) առաքման և այլ համապատասխան հարցերի վերաբերյալ:

E. ՄԻՋՈՑԱՌՈՒՄՆԵՐ, ՈՐՈՆՔ ԱՊԱՀՈՎՈՒՄ ԵՆ ՎԱՐԵՎՈՐ ԾԱՌԱՅՈՒԹՅՈՒՆՆԵՐԻ ՀԱՎԱՍԱՐ ՀԱՍԱՆԵԼԻՈՒԹՅՈՒՆԸ

- Անհատական գնումների ժամեր են ստեղծվել խոցելի բնակչության, այդ թվում տարեցների և բժշկական խոցելի խմբերի համար, անհրաժեշտության դեպքում, գերադասելի է ամբողջական մաքրումից հետո:
- Հաճախորդների / գնորդների համար կարևոր նշանակություն ունեցող ծառայությունները առաջնահերթ են դարձել:
- Գործարքները կամ ծառայությունները, որոնք կարող են առաջարկվել հեռավար կարգով, այժմ իրականացվում են առցանց տարբերակով:
- Միջոցներ են ձեռնարկվում՝ ապրանքների և ծառայությունների հասանելիությունը ապահովելու համար այն հաճախորդներին, ում շարժունակությունը սահմանափակված է և (կամ) հանրային տարածքներում գտնվելը ավելի վտանգավոր է:

Վերոհիշյալ միջոցառումներում չընդգրկված ցանկացած լրացուցիչ միջոցառումներ պետք է նշվեն առանձին էջերում, որը բիզնեսը պետք է կցի այս փաստաթղթին:

Այս արձանագրության հետ կապված ցանկացած հարցի կամ մեկնաբանության համար կարող եք կապվել հետևյալ անձի հետ՝

Բիզնեսի Կոնտակտի Անունը _____

Հեռախոսահամարը _____

Վերջին Վերանայված Ամսաթիվը _____